

SOSTIEN A LAS CALANDRETA DEU BEARN / SOUTIEN AUX CALANDRETA DU BEARN

Adishatz a tots los simpatisants de Calandreta,

Qu'ètz, o qu'ètz estats, calandrons, pairs, amics, familhas, militants deu hialat Calandreta. L'aventura de la transmission de la lenga occitana que's debana desmpuish 40 ans mercés a vosautres tots.

40 annadas que Calandreta e bateish, hè viver e transmet la lenga en respectant las diferéncias locals en Gasconha autan plan com en Provença.

Uei, que podetz contunhar de v'implicar : la Federacion Departamentau deu Bearn e deu Baish Ador que lança ua campanha de dons entà :

- sostiénér las petitas Calandreta deu Bearn : Espuei, Masèras-Lesons, Lis o Porciuvas-Bocoa...
- ajudar a obrir navèras escòlas,
- sostiénér las Calandreta qui an dificultats passadissas o un problèma estructurau de finançament per'mor de la lor implantacion geografica.

Entà sostiénér Calandreta - Hello Asso :

<https://www.helloasso.com/associations/federation-des-ecoles-calandreta-des-pyrenees-atlantiques/collectes/soutien-aux-calandreta-du-bearn>

La baisha de las hòrtas deus emplecs ajudats (de 90% las ajudas que cadèn haut o baish a 30%), subertot entaus pòstes d'ASEM (agent especializat de las escòlas mairaus e primàrias), e aquò mentre de l'investiment deus hòrts deus pairs d'escolans qui's tien d'un an a l'autè e deu sostien d'ua partida de las collectivitats territoriaus e deus associats privats.

L'Estat que reconeish las nostas missions de servicis publics d'ensenhament e de transmission de la lenga mes que contunh d'estar de mau voler entà dar los mejans adpatats. Que's desengatja a petits drins deu servici public, las dotacions de las collectivitats locals que baishan e las nostas escòlas immersivas n'an pas tostemp pas un estatut qui garantiré un foncionament perenne.

Las nostas escòlas, las vòstas escòlas que deven contunhar d'existir. Que tribalham entà har cambiar l'estatut de Calandreta, tot en respectant lo sons pilars fondators, mes qu'ei un obrador long e complicat com ac podetz pensar. Alavetz que hèm un aperet a la solidaritat populara, a la vòsta voluntat collectiva de har viver las Calandreta, de'n véder d'autas obrir, de pensar a l'avièner autament que gris e monolingue.

L'aperet entà un sostien financèr ciutadan qu'ei lançat entà 60 dias ! Cada don que compta !

Mercés au nom deus ancians, actuaus e avenidors calandrons !

Mercés de har passar l'info au voste hialat !!

Deduccions fiscaus

Lo voste don en favor de l'associacion, reconeguda d'interès generau, qu'ei deductibla deus vostes impots. Per exemple, se balhatz 100 €, la soma de 66 € que serà deductible de la vosta impositcion (66% de las somas versadas dens la limita de 20% deus vostes revienuts impausables).